

Mike Eman, lider di AVP

Tres eleccion consecutivo votegetter mas grandi di Aruba



ORANJESTAD- E no por ta un sorpresa pa ningun hende cu lider di AVP Mike Eman un bes mas a bira e votegetter mas grandi di eleccion 2013. Pa di tres eleccion consecutivo Mike Eman ta laga tur otro candidato na un bon distancia tras di dje. Na aña 2005 Mike Eman a logra un cantidad di 6188 voto riba su nomber.

Na 2009 e cantidad aki a yega 8068 cu ta algo inmenso y e aña aki el a logra mantene e votonan aki y subi te na 8222 voto. Un cantidad grandi di hende a deposita nan confiansa den e Prome Minister di Aruba cu durante 4 aña largo a traha incansablemente pa pueblo y pais. El a bishita un cantidad grandi di barío tur rond Aruba y a scucha loke pueblo tabatin di bis'e. Unda cu e tabata por el a yuda mesora y si no tabata por mesora, e ayudo a bin despues. Sea den mehoracion di e barío, den iluminacion, crea facilidadnan deportivo y recreativo, renoba e casnan y asina por sigui. Tur hende

por a nota cu Prome Minister Mike Eman ta un hende di tur hende.

Su interes y preocupacion pa nan ta real. Su curason bondadoso ta bati pa su pueblo y si e por saca su curason duna nan e, e ta haci'e. Esaki a keda proba un cantidad di biaha, ora cu e tabata cana den barío y tabata extende su man pa brinda ayudo. Banda di esaki el a crea e proyecto exitoso pa hobennan sin trabou y sin diploma 'Formacion Social', mescos a drecha relacion cu Reino.

Plataforma Dialogo Social no ta algo tangibel, pero por wordo considera un di su exitonan di mas grandi. E logronan di Mike Eman tin su impacto. Ta p'esey cu e comunidad aki a recompensa pa su bon trabou. Nan a dun'e nan voto di confiansa pa e sigui traha cu e mes un ardor y pasion di semper. Coriendo den parada ayera por a mira caranan cu un sonrisa, hendenan saludando y brasando Mike Eman. Pueblo di Aruba no ta custumbra cu

otro lidernan politico ta haci esaki y aki ta unda e gran diferencia ta. Mike Eman ta

un berdadero lider di su pais y merecidamente a bira un bes mas e votegetter mas grandi di

eleccion 2013.

Pabien, Mike Eman. Sigui cu e bon trabou. □